

營山縣志卷之二十九

藝文志

古詩 五言

同縣尹楊文煥少尉史鳳起遊太蓬 嚴光治

蓬萊聞海島此地若為容路接三巴遠江流萬里
宗巖懸雲欲墮洞鎖露交溶一柱中回雁雙池並
浴龍曇花環珮舞瑤草酒香穠帶雨淒寒磬鳴霜
報曉鐘仙橋如可渡凡石隔無踪閨苑居何侶瀛
洲水自淙評題多宋句苔蘚半唐封江漢飄零客

營山縣志

卷之二十九 藝文 古詩

烟霞意興濃簿書辭俗累筐筥采溪葑渴飲蘭為
液饑殮菊作餐山中聊自適野外不須供伯起關
西裔林逋楚舊逢論心忘短日撫景值嚴冬弔古
王風遠憂時虜騎衝寥空昏斗極望遠阻衡峯安
得騎元鶴相期訪赤松

弔王監司

李 榕 邑令

壯哉王分巡敵愾氣何振跳梁雖小醜荼毒我生
民啣命臨川北捧檄掃烟塵絕裾義不顧慨然驅
車輪郡邑遭焚劫鞠旅敢因循左右不滿乘奮撓

數百人身被六鎗刃猶自厲全神淚滴雙紅血慈
闡念我親忠孝難兩全子臣惟一身分名光竹帛
直節薄松筠仁成義復盡奕禩彰明禋

黃渡館

即今黃渡河
口舊有館驛

曹恕廵東道

東行當二月春色望空迷路轉山還北雲開日已
西鄉心隨去雁客夢斷鄰雞新景般般在宮牆信
筆題

節婦蘇氏

白不淄邑人

十六與夫別計今七十多飢寒誰去問治亂竟如

營山縣志

卷之二十九

藝文

古詩

二

何自謂生無二方知死靡他千年哭夫淚染筆壯

山河

登馬深溪

石奠國邑訓導

峭折千盤上微茫一徑通馬嘶澗石底人語翠微
中仰面峯疑墜回鞭路已窮松間聊息影謾謾下

清風

朝陽洞

羅在公邑人

峻嶺遊松逕山腰殿梵堂仰高天籟發近座雨花
香下界虛林壑上方頂石梁雲開法界外諸佛日

朝陽

穿洞

陳汝明 邑人

五丁傳未鑿丹嶂自天開
吞月爭顯晦吹雲任去
來石池晴雨應人語
噲眩猜堪嘆鄉人昧
堵石自

揜埋 賊亂鄉人堵洞避賊
賊困守之遂自揜斃

讀書臺 傳云李特微
時在此讀書

侯學修 邑人

一石穿幽徑傳聞李特臺
讀書來此地寄跡竟難
猜大業乘時去中原
獵騎回盛衰何足論
劉禪是庸才

營山縣志

卷之三九

藝文

古詩

三

爾朱真人丹址

王曰俞 邑人

真人何處去丹竈已苔封
不見淮王秘那尊玉女
蹤斜陽照寒石積雪冷孤松
獨坐頻搔首晴嵐下
晚鐘

透明巖

于之輻 邑人

透明千古蹟往來一徑通
峭壁懸蝌蚪陰巖驟雨
風苔痕捫處濕雲氣過常空
到此塵心盡蒼茫叩
化工

卧佛崖

李欲仁 邑人

古佛何年臥松陰晝掩關津梁疲此老劫火避空
山月印山門古雲飛石屋閑會須勤面壁塵泥一
齊刪

鬻籍行

陳周政

因汝而富貴因汝而貧賤今日吾腹枵汝曹不可
饌驅之令出門還我買時串書拜前致詞公自無
權變吾從諸公遊用僕頗盡善余曰殊不知誤我
終筆硯子觀鄒駱駝何嘗飽經傳昨寫札數通出
語走雷電持鉢向計倪避我愈不面脉望反可期

營山縣志

卷之二十九

藝文

古詩

四

朱提竟難吟况今行李乏遠道將之沐一身已覺
多携子良非便再拜送子行去矣無留戀書亦鼓
掌笑僕亦不公眷賣錢三百文沽酒復兼膳陳設
向花郎驚開此大宴遂傲石季倫狂言肆舌戰大
嚼望屠門彩毫飛雪霰依然書有功但戒勿與見
送陳黼功之嘉州便道遊峨眉 李以甯

歲暮吹北風大壑寒烟起閉戶長思君煩憂難爲
理今日來何遲遠遊復爾爾駕言之嘉州匹馬負
行李嘉州山 往昔賢多至止岑公一代豪詩名

軼正始遺迹依然在掃苔足徒倚三峩况相近拱
揖僅百里峯頂八十盤盤盤青雲裏西望見崑崙
積雪照素几更有兜羅綿纓絡垂金紫聖燈遍巖
谷光怪浩難紀策杖登其巔當生大歡喜眼底風
流人惟數蔣太史載筆志峩眉博綜古莫比副本
倘可携方物無如此我慕向子平五嶽願未已安
得一枝筇枕石漱流水奮飛苦未能浩歌送吾子
移家之廣安冒雨度寶珠山遂成五百字

昔讀北征詩往往動魂魄古人罹顛覆悲歌見激

營山縣志

卷之二十九 藝文

古詩

五

烈我生及壯年何知經浩劫關塞正格鬪戎馬更
充斥黃塵被鎧鋌朱纓影畫戟徹廬近道旁皇皇
慮凌轢深林叢灌莽蹢躅越阡陌歲事就荒蕪鬼
葵雜燕麥新菑無人耕平疇青草沒端居既不甯
久竄亦非策苟活苦無術生計日益拙故人致書
至招我遠行役安漢風俗醅且當山水窟避地托
幽境猶可采薇蕨契濶恐復爾遠行挈家室欲致
諸親串稱觴以爲別忽聞鞀鼓聲里閭皆震驚頗
似投林鳥翻飛避避身近視城郭空遠睇炊烟絕

比鄰一二輩冒險來相訣對面不忍啼背後暗鳴
咽隻雞兼斗酒強坐留永夕歡顏未得終離思慘
不悅偏側在須臾能禁踈踏蒼黃辭故園游子
終夜發今年早暘遲所悲井泉竭暑氣鬱未散入
秋還酷熱炎蒸變滂沱積陰遍川澤經旬雷聲喧
閃鑠電驚掣帶雨歷長途徒步苦躑躅潢流漫原
野谿徑崩沙坵頂上霧濛濛足下水滑滑自從膺
患難郊原滿鋒鏑行裝遭攫奪長物賸圖籍滛霖
無備禦沾濡損縹碧妻子多厚麩衣裳垂百結颺

管山縣志

卷之二十九藝文

古詩

六

颺振商飈此身若冰雪襁負小兒女饑惟向我嚙
蜷曲哭聲嗔恐懼豺虎跡山容愈怪險曠恨危蹬
窄狐狸怒向人鼯鼯拱亂穴引領見蒼翠摩天勢
突兀陰崖高萬仞峻坂盤百折衰草與肩齊淒迷
聞窸窣攀牽荆棘中泥濘約盈尺雲門上迢遞日
瞬足屢蹶暮烟生暝壑夕嵐飄蝶嶮侵晨仰崇巔
昏黑得踰越顛顛鑠玉顏困頓傷華髮險艱從茲
始念之心內迫安得翩翩翔長風吹勁翮

于母王太孺人壽

楊芳燦

緬昔王夫人故有林下風閨門肅以穆禮法稱郝
鍾遥遥千載下芳徽繼梓潼逖聞頌懋麗兼傳咏
絮工盧家誦道德名媛推精通耦固慕少君匹亦
高梁鴻鷄鳴勗夫子九族咸推宗何期中道隔哀
痛摧心胸上瞻老姑泣下顧遺雛惘熒熒一燈火
滴淚滋丸熊冰蘖二十年一一荀氏龍種德旣以
遠高門駟馬容安輿爭迎養名譽由女宗凭几愛
古帙織絹勤女紅銀鹿弄諸孫怡樂勗靖共儉德
安常素時間還鮓封懿美殫難述仰視青喬松茲

營山縣志

卷之二十九 藝文

古詩

七

逢設悅日登堂遠弗躬幸附子姪行述德言由衷
敢俟劉中壘鴻文紀管彤

遠遊吟

于鼎培

農人習耕田生小親耒耜盤餐羅瓜壺晨夕具菽
水出門話鄰翁入門媚婦士問以遠別離云未履
城市當其瞻杏蒲甬穀勤舉趾鋤禾汗流背辛苦
誠無似及其西風高秋稼黃雲起爲酒介眉壽垂
白色然喜嗟哉遠遊人奔馳何時已茅店雞一聲
天涯月千里暑雨注雙肩霜天凍兩耳風沙撲面

吹炎熱透肌髓僕僕織長途來去無定止或者及
瓜旋鴻泥猶無幾乃有青雲客插脚紅塵裏動作
十年遊甚或三五紀韶光不再得歲華迅若矢老
親依閭望袖手計兒齒幼妻停繡歎腸斷雙燕紫
遊子客長安慰問憑尺鯁到家已經年珍重只片
紙縱使貴有時老幼苦難俟惆悵大刀頭無顏對
桑梓言之心淒酸進退艱如此寄語黑頭郎莫浪
作遊子窮達各有天落拓不足恥無成豈無爲歸

田學耘籽

常山縣志

卷之二十九

藝文

古詩 八

丙寅午日

瞻彼高天高我心淒欲絕胡爲驅厲風吹我椿樹
折椿樹依綏山意氣雄且傑一編不殫披高科早
歲掇九試春風裏歲華同飄瞥半爲車馬身幾盡
輪蹄鐵桑梓暫來歸親戚情話悅甯處剛一載鼠
盜肆竄竊白雀浮雲來萬眾肝膽裂書生親戎馬
六祀始殄滅捧檄渝江濱中道履虎穴穴上飛鷹
鷂穴下踞蛇蝎毒霧上下環毋乃太慘烈可憐全
始終保身恃明哲湯網三面開游鱗歸志決孤舟

出魚城春江燕頰頡十里浣花溪半天峨嵋雪江
水長復長江月缺又缺豈料賦歸來幾日悲永訣
古木陰風生父書長離別兒罪大如天枉啼紅鵲
血一死亦何艱北堂力誰竭伯仲天一涯旅懷知
如結蒸枝只三人世事猶未徹搖搖兒有心如旌
懸喉舌適聞諸昆言今日是蒲節心傷不能語淚
珠吞哽咽我思昨之春益州憂惓惓不孝遺親愁
幾爲虎所啣一枕白雲深那知春旣徹旋轡昔菴
衙角黍正陳設迄今纔逾年人事如電掣昔兒死
肅然興蒲酒薦清冽泣向高天高吾父其來啜
答輔旃擇軒兩兒

營山縣志

卷之二十九

藝文

古詩

九

昨烹雙鯉魚乃從蜀山道昨夢吟惠連乃在池塘
草蜀道錦城高飛鳴脊鴉鳥池草當春生青青何
娟好我思諸弟昆寤寐忘昏曉諸兄念遊人尺書
寄鴻爪書來思答之振筆愧摘藻北嚮雁飛飛自
恨渡江早不能風雨夜對床眠蘇老
送孟鷺洲先生七十致仕還蜀百韻 于立塋

曠代多潛德

熙朝重大年蒲輪垂令典筇杖

禮耆賢漳浦銜

恩去韓城待

詔還明農

今若古讓善後輝先雅有騰蛟士遙追跨鶴仙蛾
眉峯聳峙魚腹水清漣不辱原知足成功好息肩
宮花頻送酒隄柳促歸鞭畫錦光西蜀春雲藹北
燕東門思舊事南浦集新篇珂珮蘭臺重琳瑯玉
版鐫泝徵騶邑遠秀挹錦波鮮穉齒誇騏驥童心
喜豆籩著書分七卷績學肇三遷詳畧聞軻也風
流憶浩然牙籤探宛宛腹笥積便便繩武心何切

營山縣志

卷之二十九

藝文 古詩 十

趨庭念更專焚膏勤綠字點筆奮丹鉛纔侍先生
饌旋爲弟子員滌垢盤去垢析理木攻堅字寫雙
鈎帖文成萬選錢奎星纏井鬼詩泝接雲淵片玉
虹光矗高枝桂影圓衣纔拋白紵名已寫紅箋秋
朗芙蓉鏡春明瑋瑋筵登瀛值薇省染翰步花甄
玉署新辭贍雲曹積弊蠲漢廷膺首選秦鑑正高
懸武以夔龍接班因鷓鷯聯朝陽周鳳集向日蜀
葵妍銜 命星輶迅衡才鐵網搴玉壺昭皎潔
金筑荷陶甄再秉觀風節來乘泛海船龍游珠的

樂鼉吼鼓喧闐攬勝雞籠外探奇鹿耳邊總戎思
定遠奉使憶張騫屢荷
絲綸獎常操節制權

淀津籌輓運壇壝旼牲牲肅穆黃門裏廻翔

紫禁前同文通
帝德典屬化夷帛畫省兼三

署雲韶協五絃馳驅臣力壯優渥
聖恩偏扈

蹕常摛藻從
遊許控絃上蘭擒狡兔長

白弋飛鳶冀北方驂乘江南又扣舷海塘參碩書

淮運悟真詮釋奠經鄒魯觀河溯澗渥辟疆官最

久彤伯治相沿祀典明禋重儒臣祇告虔懷柔敷

營山縣志

卷之二十九

藝文

古詩 十一

嶽瀆封濬徧山川冠冕通重譯文章煥八埏煌煌

頒
鳳詔馥馥蕪龍涎
聖壽稱三祝

神謨紀十全恭逢
堯禪
舜幸際
震

承
乾堂構叨
恩渥邱園束帛羨鳳毛聯

組綬象服織絃緼柏府新焚草金璫舊珥蟬豈惟

冠獬豸並欲逐鷹鷂偶涉汧河險咸疑宦海旋

宸衷操獨鑒臣職矢微涓
帝眷重申命天

官乍改銓仍陳張湛諫不羨叔孫繇守正寃無抑

矜疑獄自平槐庭誠慎矣棘寺孰加焉冊載清名

盛高門令德宣七旬剛介壽元老恰歸田已悟三
千幻何須十萬纏譚空真了了說道更元元日暖
還珂里風和拂錦鞵鄉心縈玉壘旅夢繞雲駟心
印千潭月舟乘一葉蓮琴書歸畫舫花木憶平泉
淮水蘭橈送瞿塘錦纜牽買山聊種竹垂釣或忘
筌酒倩雞羹注茶看蠓眼前煎棗棠華鞞鞞萊影舞
翩翩自得天倫樂頻將世慮湔勲名人共羨禱味
我誰憐六歲親師傳三餘習簡編黃披終日卷青
踏九州煙校字同劉向從戎慕魯連雪因程子立

營山縣志

卷之二十九

藝文

古詩

十二

展效謝公穿猥以才無用而爲世所捐輪轅羞藻
飾雷雨嘆迤邐幸侍春風座歡逢斗宿躔溯洄依
水沚景仰企山巔四載金臺契三生絳帳緣輝光
常靄靄獎勵更拳拳 上苑同還往循牆示嚮
體吟成誇白雪別後念青氈欲述情如海深慚筆
似椽歌驪人絡繹打柳語連蜷願獻長春頌相期
上壽延優游歌 舜日浩蕩樂 堯天鄴水供

晴眺潼江任醉眠傳家培五桂佳瑞兆三鱣此日
初乘駟他年又駕駟再陪千叟宴不羨十方禪名

與三蘇並高偕二相傳渭城聊作頌
蠡測費磨研
秋日感懷百韻贈張抱谷舍人
于鼎培

幾陣西風起頻添北地寒雲高空碧
落樹老漸紅
乾雁序三霄迴蟲吟四壁殘梧桐飄
一葉日月轉
雙丸節是中秋好人須上品看功名
憑蠖屈志氣
自龍蟠八九吞雲濶三千擊海寬文
章期報國
經濟待居官抱壁求沽易連城抵價
難家聲絲甲
第世味極辛酸眼自分青白心空托
赤丹惟君懷
特識以此對長嘆我任綏山畔君居
朗水干朱陳

營山縣志

卷之二十九

藝文

百詩

十三

同戚里李杜共詩壇屈指年多少撐
腸事萬端九
齡初講習六藝始鑽研燈火黃昏坐
詩書白晝攤
愧非天上驥甯類草中芄小子狂還
簡書生瘦不
胖聰明淨冰雪磊落峙巉岈夜氣侵
階芍春雲護
砌蘭畫屏香醅醜金谷雨濛濛伯仲
壘篋協交遊
杵臼謹倚樓朋約趙擲果伴邀潘淺
酌花千樹高
眠石一磐陌頭看綠柳馬腹綴紅繁
窈窕尋邱壑
崎嶇步岷岨水田秧簇簇柘館路曼
曼霧隱前村
樹溪流隔隴洄月明無吠犬風定有
縣貊採菊開

山徑吟松坐澗磻同人情正恰知己語無調棗名
交讓花宜種合歡休風真近古明鏡冀常團豈料
妖氛起移時毒霧攢稱蓮憑自號破竹倩誰攔文
士咸持銳農夫解負簾崇岡多險隘平地布飛羅
鳥靜山偏寂園蕪井亦智幾家枯骨剩到處苦心
拚屋宇成焦土垣墉盡畫鏐飛灰驚蛺蝶立壁臥
狸豕竊笑匏徒繫誰能寶竟完飄流陶侃鬢零落
子淵簞道左拋紅粟墻陰棄素紉鬼愁風火影人
駭箭刀瘢擊柝防真寇藏書構假棺荒城時戰戰

營山縣志

卷之二十九藝文

古詩 十四

憂思自惓惓

天子神機秘將軍銳氣盤旗紅

擄猛虎月白照飛驢地既辭桑梓編仍蠹葦萑藻
芹青到泮領袖碧於欄未奪文闈幟猶彈秀士冠
軼才悲伏櫪講席勉開莞氣挫還思奮行方肯就
剗庭趨瀚水暖茗煮雪花涪但作雞之口無爲鼠
也肝官衙依苜蓿孔廟蔭杉楠詎意扶搖路都成
反覆瀾撫膺空慘切舉足總蹣跚斯味如酣酒當
時似病癯宮墻從此隔朋輩尙予躡帽似重陽落
袍憐一夕禪折腰羞拜米強項任褫鞶頓覺非凡

界何知又急湍風生椿樹杪雪擁蓼花灘烏鳥情
難釋雞豚力未殫寸衷惟脈脈長髮自蕭蕭無地
恩能報終天泣倍洗宵來承母詔命去買征鞍意
只期兒貴言惟戒自謾膝前人戀戀耳畔馬嘒嘒
淚肯岐途灑光從上國觀夔門穿邃闥烏羽插
輕綰野艇宵燈暗湘江曉漲漫鄉音殊隴蜀旅夢
繞邯鄲楚國登先岸燕都命彼館京華居五載物
態歷千般兩度孫山冷長歌子夜闌詩才原遜勃
客况盡如驩展翮覘鷹隼和聲羨鳳鸞青含珠灼

營山縣志

卷之二十九

藝文

古詩

十五

爍欲吐玉琅玕

聖主星旌動靈山露蕊溥五

臺遙獻賦多士共迎

鑿瑞氣環青鳥神燈燦

彩狡凝陰常凜凜春信故珊珊葉落隨流水烟消
露遠巒無心付曹臺除惱託旃檀縱目家山遠回
頭客影單不求花及第惟禱竹平安閱世肱三折
流光指一彈珊瑚勤結網翡翠好投竿往事思熊
膽前程問鷲翰地偏常掃榻心遠每憑欄太史星
初聚中書姓不刊筆鋒常作作文陣氣桓桓鷺次
先盧駱鴻裁壓柳韓人看東觀入鵬紉北溟搏素

魄曾相照黃英擬共餐登高如踐約樽酒對檀欒

古詩 七言

酒香行

李以甯

七月五日予與王子山石李子念來遊營山東門外忽酒香起於草間索之得子輿氏殘編一帙已而香氣杳不可追矣同人異其事因紀以詩焉

嗚乎世間萬事無不有道上遺書香作酒同游我輩俱酒人但聞酒香不到口拄杖大索蒿萊久驚視一編俄在手泥污細認子輿字誰爲捐棄如敝帚不關秦火同飛灰豈是陸生持覆瓿嗚乎百家

營山縣志

卷之二十九

藝文

古詩

十六

瑣屑眞糝糗巍然聖道不可壞江河日月等經行滅沒猶能發光怪君不見李生被切留空囊破屋文史堆滿牀坐擁殘書酒錢缺經月何曾聞酒香忍見斯文日凋喪對此那不心茫茫嗚乎對此那不心茫茫

陽春曲古樂府艷歌行

李以甯

誰不惜陽春陽春不得惜帝王彰政坐明堂時乘暘谷披高閭徬徨日昃常不遑肯將遊豫償荒亡勛勩百職趣未央明良慶會歌無疆倘徉便恐妨

廟廊昌期颺拜懷恐惶卽官鞅掌簿書忙騰驤單
騎匡農桑秧色迎韁帶淺黃春眠燕燕不在牀嗟
彼膏粱戒唐喪蒼生何得辭趨蹌綠侵庠序映新
篋書聲揚抗穿簷簷梁燕拖香過短牆文章妍麗
相頡頏行商坐賈詳微茫茶房酒肆量瓊漿但索
明璫留鷓鴣芳菲一任去湯湯何況莊農望豐穰
菖蒲欲綠如縹緗泱泱水積成潢穰蝗祈穀提
壺觴還看娘子省嚴粧筐籃斯斧蹠微行兒童攘
耒喜當場露灑曷場栽瓜瓞陽春誰不惜誰得惜

營山縣志

卷之二十九

藝文

古詩

七

陽春惜春獨有紉襦公子及花媚不然山人墨客
稱猖狂昂昂春價等璋璜貲贖不吝呼須叩掣鎗
破積恣勃翔琳瑯錦句裝奚囊嬌施絕艷壓齊姜
曲房張瑟溫柔鄉方塘水暖戲錦鴛倡歌簧鼓招
鳳凰種種風流羌保障樟濤棠蔭祛涼蟹金剛不
壞希从長思繫春光一壁廂可憐轉睚露欲霜可
憐道旁城復隍檣燕低徊河泣魴桃花狼籍避貧
簞孀童孀婦傷摧戕北邙楊柳何茫茫膏盲初砭
身欲劓堅鋼百鍊道自強太和作湯保合糧慈航

溥濟葦一杭康衢化國增輝煌糠粃稂莠埽天殃
瘡痒不必悲牂羊充腸鼓腹歌倉箱趁獐弋雁供
姑嫜家嘗春酒壽而臧漁歌亢墜雜衡湘忘機稚
子歌滄浪時和斥鷃搶榆枋薰風又欲生螳螂藏
春有塢斂鋒鏑網維春運祝陵岡皇華明媚春不
僵汪汪春澤無隄防爲歌春曲聲鏗鏘鏗鏘春韻
慶垂裳陽春不待惜六宇遍春陽

營山八景

于鼎培

朗池池水夜光浮臨池倒影月一樓樓空近聳翠

營山縣志

卷之三十九

藝文

古詩

六

屏秀樓高遙聽流泉流泉流九曲通仙境太蓬山
上曉日影一朵芙蓉看升華夕照又過枇杷嶺此
時日落月輪高遙望龍馬似歸槽爲問石牛嶺上
臥夜月曉日幾百朝今朝蓬島小遊仙朗月恰照
芙蓉嶺龍馬精神天駟下青龍紫氣老君前屏列
遠岫無窮已琵琶夕夕照相似不知池月夜幾分
但見曲泉流曲水宛宛蓬瀛馬化龍蒼生零雨起
池中氣凌河漢衝牛斗十丈如船玉芙蓉昨夜泉
聲咽琵琶銀槽飼馬夕陽斜池畔何時初生月月

留支機石自天河度二月四月治遊天輕車細輦
爭駢闐文窓繡戶家家啟珠箔瓊鈎處處懸垂簾
市上高人隱貫酒鑪頭少婦妍王孫俠客馳飛鞚
同心暗接鴛鴦夢花卿歌板入雲流艷孃舞袖隨
風動藕覆輕拖荔子裙釵頭小集桐花鳳狹斜那
得比宮閨粉黛橫陳未足奇王衍太妃稱國色李
珣小妹冠昭儀漫誇天子十眉畫更羨夫人百首
詞別有風流開水殿青娥皓齒娛清宴城號芙蓉
萬樹垂波明珠翠新粧街彩舸避暑摩訶池綃衣
待月宣華苑近來蜀國更堪誇奕葉賢良帝子家
自是宗藩盟帶礪敢將程卓擬驕奢葡萄織就錦
千軸雲母描成扇九華畫棟飛甍連戚里絲管烟
花讓朱邸三百年來恩寵多一朝世變荆榛起安
得壯士雄五丁可憐野火焚連理行人莫向浣花
溪草堂檉木晚萋萋迷金鴈橋邊曾有鴈碧鷄坊下
已無鷄遙遙芳樹通秦棧滾滾長江擁石犀祇今
驛路惟烽堠天寒何處倚翠袖紅牆夜穴魚燈微
青松日斫龍鱗覆尙憶華陽集古今誰從益部傳

耆舊物換星移復幾秋棘闈深鎖故宮幽闌珊此
日三千士窈窕當時十二樓漏聲頗似銅壺閣月
影難銷石鏡愁已矣哉歸去來以無金馬祀莫問
石經臺井絡文星猶燦燁天彭玉壘徒崔嵬獨有
春深聽杜宇年年啼血爲誰哀

緩山行

緩山之下捲黃沙荒城鐵騎紛如麻前有猛虎後
蝮蛇夜深月黑愁無家何意喪亂便如許驛路空
淒阻行旅巖樹相撐號疾風鼓音欲絕逢漂雨疾

風漂雨勢倉皇處處攜家遠伏藏女哭男啼掩不
得事急便欲棄道傍道傍終日困奔走可憐剽奪
到林藪狂刃空令蠹僕愁行裝盡付健兒手是時
我客安漢城罷酒官齋亦避兵未若此地亂無象
人烟盡斷饑飈鳴間關兩地憂匪細重繭荒山芒
屨傲入門妻子轉驚疑驚定背人還灑涕今年旱
暵禾盡乾市間尺布重羅紈那得爲儒免蹭蹬却
令盡室愁饑寒噫嘻禍機倚伏誠難保丈夫不必
色枯槁但願時平無戰爭縱令獨受饑寒何足道

避兵行爲門人鄭侶庚作

攝提己未冬十月荒城晝掩風獵獵丁男弱女哭
聲喧亂離性命輕一葉我亦倉皇歸綏山夜半月
黑路險艱臨歧執手不忍別急灘清泪爭潺湲可
憐處處困奔逐那得家園守茅屋潰卒遙傳失漢
羌

王師早見收巴蜀鐵騎金笳無日無殺氣軍聲滿川
陸嗣宗躑躅哀窮途杜陵饑餓歌同谷荏苒不知
時序改重來朋舊依然在爾我俱爲隔世逢茫茫

營山縣志

卷之二十九

藝文

古詩

三

相對愁如海聞爾方舟清溪濱別有天地非風塵
露桃花發良堪醉縮項鰻肥亦可綸疾歸市宅真
何意對人往往發長唱避世聊吟猛虎辭傷心却
遇石壕吏嗟吁乎人生患難豈獨在干戈艱艱無
端可奈何高牙大纛徒爲爾朱顏青鬢空蹉跎不
如終日篆水坐看江雲碧有酒一飲盡一石

贈蜀學使周澹園先生

峻嶒華嶽起金天萬里河流更繞前玉女盆頭峯
似削明星館畔藕如船鍾靈王氣饒奇傑接裔濂

溪產大賢譽起少年三輔重功深午夜六經研視
輪巧就常穿札汗血才長早著鞭藜火從容摘彩
筆石渠瀟灑步花磚含香畫省功愈最出牧鄱湖
政屢傳自是文章高北斗遂令鄒魯在西川秦封
家紹先賢學蜀國恩深累代緣白鹿洞中標勝蹟
錦屏院裏構遺籙名如伯起人爭附化洽文翁孰
比肩夙奉典型常仰止曾從患難得周旋書貽鴻
寶辭何秘誼切綈袍禮盡捐忽聽黃鐘驚律改遙
看南極慶弧懸謳歌到處成華祝服餌何須問俛

營山縣志

卷之二十九

藝文

古詩

三

佺應識掄才邀上賞八荒雨露共 陶甄

七絕

御書閣

雍 沿邑人

三重神毫曼古稀龍盤鳳戲欲騰飛珍藏今作古
山寶一歲中添一褐衣

仙馬洞

龍駒昔日此昇仙洞掩碑殘不計年勝蹟依然無
處問一僧重鎖薜蘿烟

爾朱真人藥竈

當日先生藥已成便將金井等閑輕
迄今遺蹟峯巒上時有青烟竈下生

贈邑萬竹壑老人

方昇 御史

曾赴蟾宮折桂花歸來林下度年華
於今兩鬢都如雪萬竹青青暮景賒

別池畔竹

張玉璘 邑令

翠竹千尋半畝陰公餘坐此靜為琴
去時遙望參天日莫負滋培九載心

營山縣志

卷之二十九 藝文 古詩 二

律詩 七言

太蓬景福寺

雍 沿 元祐進士

樓閣參差聳茂林危梯坦徑幾重深
周行巖麓四十里下視井塵千萬尋
僧住不生雲水興客遊偷息利名心
若教工部曾經此應徧靈蹤處處吟

遊太蓬 龍巖鄧少庚偕男坤錫以嘉定癸酉五月

月既望約渝南王載之宕渠趙晉錫三江蒲熙載
杖履登山時雨初霽可眸千里相與坐白石挹翠
微酌飲空明天風汗漫忘其身之在塵世也

其一

何格非

不須身在玉霄峯眼前滄海蓬萊同地疑弱水三
千外名在真仙十二中功成去伴赤松子政外來
從黃石公欲下山時空月白塵緣還在簿書叢

其二

一藤直上訪幽棲空郭烟霏翠濕衣青壁倚天開
勝境碧雲凝砌隱仙扉便從禪窟求蓬石不用天
台訪紫微飲罷飄然疑羽化清風喚起玉川歸

透明巖

梅 江僉事

營山縣志

卷之二十九

藝文

古詩

三五

聞說綏山多勝境昔人曾此作蓬萊雲從闔苑峯
頭起水自滄溟地底迴巖洞透明凡石隔書堂岑
寂野花開邑中事簡巡行急杖履登臨期再來

前題

韓宜可 邑人

聞道蓬萊別有春五雲深處隔凡塵松迷鶴徑渾
無路花阻簫音不見人滄海日華翻貝闕玉山霞
氣逐飈輪劉郎自是神仙侶何必天台更問津

觀音橋

陳政周 邑人

沙堤新築客初過驚絕神龍尾一拖策石便同觀

海日乘槎那復向銀河
關開雲霧三春景鎖住巴
江萬頃波千載蔡家橋下水遺來此處行鳴珂

遊雲鳳山

潘亨 邑令

官閒來訪大羅天霞帔星冠列羽仙
土竈丹成留宿火山房經罷散青烟
元猿花煖尋常到白鶴松高自在眠
茶罷欲歸歸未得碧桃洞口水涓涓

遊淥井寺

嚴傑 邑令

雨後登臨淥井隈羊腸古路濕莓苔
扶蘇鳳尾風中舞滴瀝龍涎石底來
度世航憑諸佛引出山泉

營山縣志

卷之二十九 藝文 古詩 三

問幾時回一聲清磬消塵慮
閑煞禪堂老辨才

聖水寺觀泉

李初元

野寺凌烟一徑通曉風殘雨任西東
雲穿石竇飛龍窟泉繞天池跨玉虹
古木蕭條寒色迴老僧盤礴梵聲空
懷人更到登臨處衰草離離落葉紅

重遊燈草池有感

唐臣 邑人

燈草池邊舊讀書拂雲蕭寺倚清虛
鐘聲五夜孤輪月日色三竿一筋蔬
聲應氣求人 有數林深路黑客來疎
十年宦路重回首誰是燒茶舊道徒

挽唐宥夫婦雙節

張閱巖

漫展荒詞寫淚痕山長水遠哭聲吞一門猿鶴從
軍化雙表鴛鴦合塚尊生定多情盟白首死猶得
伴慰黃昏可憐就義都無負罔極惟慙顧復恩
邑東白巖賒月樓爲前令趙朗如建依山臨水崢
嶸突兀一時同人雅集洵爲勝景後邑令胡公復
踵其蹟去今已二十餘年矣余於己巳仲秋過彼
登樓眺望觸物寓懷不勝今昔之感

白不淄

營山縣志

卷之二十九

藝文

古詩

三

危欄高峙白巖頭賒月名傳趙朗侯山對景陽連
鷺嶺河分黃渡下渝州笛聲近水涼先到雲氣涵
空淡不收二十年前多勝蹟幾回登臨憶同儔
過陳蝶庵先生誰家庄故址

荒園一片俯茅茨問是誰家舊礎基勝地流風應
未歇達人當日似先知謝公絲竹中年感庾信文
章異代悲華屋漫增零落慟名流草木亦堪思

雙蓬仙蹟

陳汝楫 邑人

何處飛來海上山兩蓬高峙白雲間曾傳仙子乘

羊去不見令威化鶴還萬古蕭條餘藥竈千年
息盡苔斑峯頭惟有蒼松在依舊青青不改顏

太蓬仙蹟

張玉璘

巨鎮雄開紫翠重羣峯羅列遠朝宗間雲籠月斜
穿洞臥佛懸巖倒聽鐘桃實長留山鬼護丹成時
勅老龍封年餘常阻登臨興何日攜筇問碧松
誦諸友遊太蓬穿洞之作因口占一律

羅在公 邑人

五丁何事闢蠶叢能使仙源面面通馭氣不圖登

營山縣志

卷之二十九

藝文

古詩

三

宛委凭虛始覺入玲瓏杳冥夢接三天路虛白光
生一畝宮莫笑短筇猶未到居然邱壑在胸中

太蓬穿洞

陳周政

入石逶迤出石驚折身雪竇照行燈東西日月一
籠接上下風雲兩袖蒸便可翻飛王次仲還宜絮
塞佛圖澄但從有欲觀其竅混沌長開恐不勝

翠屏聳秀

張玉璘

翠屏山影接芳塵一障城南景色新修竹森森輝
錦岫苔花灼灼散清茵環城烟火連山樹映日風

光照席珍好景垂堂常對面看山自不厭官貧
龍馬歸槽

羅在公

河圖啟聖煥文章休氣榮光寄一方石壁層層生
瑞靄天潢井井照雕梁靈祠香霧埋金埒歎玉流
珠待漢皇不是沙場爭戰物時無伯樂自深藏

九曲流泉

白玉屏 邑人

清溪蕩漾抱城流出折彎環去復留放棹無從知
向背看山何事屢回頭瀾迴欲學巴江字帆轉如
聞楚國謳問是此中誰結屋伊人宛在自優游

營山縣志

卷之二十九

藝文

古詩

二十九

芙蓉曉日

火輪光噴海門紅一朵芙蓉曉望中埽盡碧烟歸
嶺外送來紫氣滿城東岩堯映日光如拭綽約凌
波畫未工轉瞬霞飛雲欲上四圍環繞更玲瓏

太蓬仙蹟

蔡掄科

蓬萊宮闕望中山每到輒聞風引還何自飛仙游
海上竟將靈蹟墮人間千年碧實桃花爛一井丹
砂藥草斑我欲騎羊上昇去閻門長侍玉皇班

雲鳳呈祥

何年威鳳山頭集雲氣蟠空護至今丹鳳不知何處所白雲猶臥最高岑紀官上世同稱瑞觸石崇朝遍是霖一曲歸昌逢

聖代卷阿應有侍臣吟

翠屏聳秀

拔地孤峯入翠微屏風高矗是耶非雨痕濃合青三面雲錦晴開綠四圍到眼奇觀森突兀撲眉爽氣認依稀張筵好製南山壽一曲靈璈天外飛芙蓉曉日

山縣志

卷之二十九

藝文 古詩

三

碧天幾朶玉芙蓉吹墮烟寰插此中萬古亭亭塵不染一輪皎皎日當空花開太華來仙子人把新詩比謝公絕似凌雲一枝筆扶桑紅浴海門東

石牛臥嶺

神仙一喝石羊驚射虎將軍石骨平何似桃林歸偃息竟從苔徑臥縱橫風清綠野無鞭叱月過青山有笛聲爾牧何知休夢夢新來邑宰重春耕

龍馬歸槽

記曾羲陛負圖纔萬古文章運首開滄海有靈神

變化華陽無事倦歸來
嘶風價比千金駿騰水名
高七尺駭龍種會看西極控秋風
躑躅上燕臺
九曲流泉

一曲黃河路幾干
瀉來此地響涓涓
泉於山裏無清濁
水似文心妙轉旋
盤谷定知龍隱蟄
珠流除是蟻能穿
方塘半畝清如許
誰挽狂瀾障百川

琵琶夕照

落日峯回景色幽
琵琶紅上萬山頭
駐來仙馭定聞樂
彈墮陽烏便是秋
半壁斜開青疊嶂
四絃不

營山縣志

卷之二十九

藝文

古詩

三

訴白江州魯陽莫怨桑榆晚
尚有鈞天夢未收
朗池夜月

明月窺人池上過
池光如鏡月如波
流來素壁中天彩
幻出明珠合浦歌
四野桑麻沾漑遠
一城燈火笑聲多
太清近日無塵滓
不用天河淨挽戈
景陽鳴鐘

一杵鐘聲上界傳
景陽山色翠微巔
花開舊苑繁華歇
人在高峯覺悟先
猿狖響騰千嶺月
鯨魚秋洗六朝烟
何當移置明光殿
待漏雞人報九天

翠屏聳秀

羅金聲

城外屏擁翠城中翠作屏秀色難爲名風雨滿郭
青嗟彼屏下人詩禮舊門庭幾日西風起耆舊半
彫零高聳色依然鳥飛不忍聽還將興衰理借問
山之靈

琵琶夕照

嶺以琵琶名不聞琵琶聲但見羲車向西行須臾
層陰萬里生我願魯陽操戈至揮戈逐日日退避
六龍頓返扶桑轡山水清音長我媚

營山縣志

卷之二十九

藝文

古詩

三

龍馬歸槽

虛傳馬如龍居然龍爲馬不知何人槽置在山之
下春有風雨喧夏無校人庠咄彼駑駘輩棧豆戀
不捨千里歸槽來羣空冀北野憶昔皇古世屯蒙
遍方夏負圖河一遊斯世趨文雅竭來舊山中山
色仍如赭人世閱歷飽滿身烟雲惹但恐行空慣
難覓食馬者

石牛臥嶺

風雨不知愁任人呼爲牛山中一拳石雲臥得自

由嶺色青不斷頑性尙存不牛兮余爾咎爾宜知
自尤爾喘人則問爾鳴夜則瘡胡不鳴與喘胎息
春復秋方今東作急仗爾事田疇無爲在前山蝴
蝶夢莊周

南康公主歌

李勢之妹桓温妾冰肌玉骨榮華頹傷哉國破家
亦亡到此性命輕於葉南康公主操白刃率婢數
十如臨陣雲髮委地不動容自言此生無所吝刀
擲地抱阿子我見憐何況彼乃知婦人心事易轉

營山縣志

卷之二十九

藝文

古詩

三三

移妒極成愛有如此

感懷

鳥聲相和鳴宿我庭中樹如何三益友不見通尺
素詩書有同好光陰莫虛度何當載酒來共說酒
中趣

躁者未必狂狂者心自靜樂不關書琴風還希箕
穎接輿避宣尼謫仙遊塵境一般風浴意曠代何
人省

誰謂木無脛誰謂瓦無足一朝興締造陶匠道相

屬所以土木功有財恣所欲悠悠塵寰裏安得返
醅樸

虎嘯風已生龍興雲斯從靈珀拾芥須磁石引鍼
庸氣合必相求道同自可宗章甫適諸越效用不
一逢江頭浣紗女生來絕世容魚鳥見之驚飛潛
不留蹤

人苟肆其欲海陵積不足人能約其躬儋石糶以
豐至哉束生言具見理精通近世尙奢靡庖厨學
郇公漿酒而霍肉水陸爭豪雄侈侈匱不恤勢將

營山縣志

卷之二十九

藝文

古詩

三

由惡終所以司馬氏儉德良可風授衣取寒蔽進
食求腹充豈有矯俗意祇以潔其衷要知儉與吝
相似實不同儉者務省約吝不恤急窮名人膏肓
疾我嘗笑王戎

秋風欺鬢髮條已驕榮落且爲目前歡斗酒自娛
樂緬懷衛武公九十猶好學我年未六十念之能
不忤所以白口內深心毫素託精取文選理間閱
蘇陸作豈不惜此心恐爲今人薄詩文有至味那
肯嫌淡泊

弔鄒忠介

前明推理學合陽一忠介心源遙不隔直接洙泗
派弱冠登賢書多少未了債春官得意日此心矢
匪懈靜思天下事總爲小人壞君子誠道長民生
不凋瘵外臣判邪正內豎與成敗流毒遍草木權
闞如蜂蠆所以明主心養禾必去稗取次兩上疏
文瀾何澎湃大聲發水上真可振聾聵那知肝胆
披旋被蠅兩嘖高明物之尤正士天所械心定無
險夷氣盛遠行邁遙想征人衣應遭山鳥怪石城

營山縣志

卷之二十九

藝文

古詩

三五

遇白沙情投似鍼芥相期胥道義相對無俗話驚
心鵬鳥來一聲聞露薤吉士此夕萎今人發長喟
我觀明孝宗胸中無芥懣賈誼得生還當下前席
拜先生年及壯國家勤相勸致君堯舜上前覆後
車載下使風俗淳直盡日所曬高厚恩畢報於心
豈不快胡爲瘴癘攻鸞翮遂長鍛行年方廿餘早
辭三千界歲月不少假所歷盡險隘天道人難測
往事供一愛安能汗漫遊不受塵網絳

題羅雁汀相莊課子圖

周作鑾

綏山靈秀聚城東
城東雲氣何濛濛
高人結宅城東住
長松十丈森烟霧
夾竹桃紅三兩枝
佳時把酒復吟詩
天生佳偶才雙妙
風雅翩翩誇少年
少原深伉儷情添
香夜伴讀書檠
郎君意氣凌霄漢
文章裁成錦繡段
日日關門對玉人
同濡彩筆寫陽春
陽春一曲傳人口
縹緲世業家長守
膝前繼起有佳兒
佳兒頭角均岐嶷
大者渾樸中人質
小者聰慧誇時出
慶洽齊眉鴻案恭
如鼓瑟琴聲

營山縣志

卷之二十九

藝文

古詩

三六

雍雍明珠磊落珍
擎掌教以義方肯
嬌養父兮編蒲口
授經兒誦上口心
通靈母兮畫荻手
教字兒熟習耳心
會意歲歷寒暑無
間功出羣待汝羽
毛豐玉汝心神爲
汝費顯揚先德書
香貴寫出相莊課
子圖老鳳心心惜
鳳雛老鳳聲高鳴
岡上雛鳳和之聲
繼倡雛鳳聲兼老
鳳聲一鳴要使萬
人驚會看風雲天
半起一瞬鵬飛九
萬里他時我再欸
關來披圖一笑大
歡喜太和署中感
懷

去年除夕歸今年元夕別別何太速歸何遲彈指
兩年剛半月半月曾幾時催人出作客作客客心
傷望望涪江北涪江湖舊游飛鴻爪印留郟生重
入幕王粲一登樓樓高時極目江水去悠悠水去
不可挽時過不能返如矢駛流光又增游子感感
觸緒紛紛獨處悵離羣一屋安吟榻一燈坐夜分
城中十萬人聲息不相聞對景娛懷抱江月與江
雲雲迷江上樹月照江邊路雲月宛似前巢痕已
非故回首七年中此身如轉篷風塵人漸老雲路
如投筆去從戎

蔡藕莊三兄見和生日感懷元韻賦此答之

惠連早艷謝家名競爽吾宗喜氣盈大冶鎔金詞
火鑄良工琢玉器新成公評月旦圭彰品自賞風
流雅頌聲文字因緣關夙分好從石上證三生
朶雲新贈意徘徊郟喜拋甄引玉來根柢讀書窺

石室文章華國重金臺智珠入抱光同照列宿羅
胸想異開轉盼飛黃騰達去後生可畏此雄才
容易秋風又一年是月十九日立秋舉杯我欲問青天未
參菩果難成佛不到蓬萊豈識仙坡顧蜀中靈氣
在機雲洛下大名傳二難轉羨君兄弟後起芳聲
好嗣前

花樣時新未肯疎高文特用馬相如已欣月窟蟠
根早還想雲程發軔初奇士襟懷原洒落書生習
氣要消除果能品似無瑕玉繼世簪纓慶有餘

營山縣志

卷之二十九

藝文

古詩三八

遙臨棨戟壯門楣努力功名及盛時穎異人多誇
驥子聰明孰不譽麟兒凌雲氣逸詩千古醉月神
飛酒一卮唱到陽春難和曲愧無瓊玖爲君詒

將進藥

于鼎培

將進藥將進未進心寸割吾母孝行造化奪吾憾
吾不吾母若仰天高歌陳其畧一解卓卓我祖母
志行人間殊生小工織紡長大嫻詩書十八適祖
父十載育六雛秋高痛所天小雛燕胎初強忍須
與死雛衆待哺俱工織孟杼斷嫻詩鯉庭趨迫以

母兼父恐負夫遺孤二解此時祖母任獨大此年
官逋來塞外典我負郭田鬻我金泥帶逋償一身
輕饗殮奚所賴壁立霜風寒艱心母乃太豈知剝
復理否極運斯泰三解大郎得意瞻孔牆二郎六
郎搏風入帝鄉一宰桂林一皖江三郎弟子
員四郎領上庠五郎我父氣昂臧才凌牛斗長河
長一第不過窺餘光歸來同眠大被姜祖母一顧
痛肝腸四解謂人生惟別離苦小郎熒熒何處所
悲傷心如焚鼻衄霈如雨病入乘其虛血去中無

營山縣志

卷之二十九

藝文

古詩

三九

主虛扁躄躄藥恐無補我母聞之泣下行數五解

姑憐媳母憐兒一般至性無差池兒奉親不顧身

媳奉姑敢愛軀禱於天涕漣漣吞聲攘左手持刀

痛強受血濺雙袖心口甘苦何有六解剖其肉調

作糜進於姑如食餽鬼神默默鑒苦思二豎驚逃

走且馳掩袂時恐高堂知人前那敢輕吐之七解

我母事姑誠如此我事我母當何似伏枕一病去

冬裏今年春深未能起辦香欲分岐伯派靈樞素

問望塵拜上蒼果降上醫來參苓試飲神先快入

解將進藥藥將進兒撫兒心還自問縱使母疾得全瘳已深半載眠床恨何如吾母事祖母勿藥有喜憑血性

孤雁行為張貞姑作并序 于鼎培

貞姑名雁兒蜀蓬州人張某鬻絲為業雁兒其三女也許字渝城某年及笄壻沒女方食聞信墮手中盃泣下壘壘矢以身殉媪再四慰之意少解私製素衣欲赴渝執壻喪兩姊氏預知之白於父堅不令往後來聘者踵至姑剪髮以示靡他越數年父卒遺幼子家道日窘姑自守倍嚴勤紡績以供饘粥事媪益謹訓弱弟不至遊蕩州人傳為美談年幾四十志如初白漁安白蓬署歸其言顛末並邀作歌

營山縣志

卷之二十九 藝文 古詩 四

孤雁孤孤無偶天外一聲深宵後孤飛孤宿自獨

守別鶴寡鵠人間有難得如姑未成婦 一解 姑蜀

北人耶鬻絲生小閨中可憐兒壻家遙隔巴字水

姑年十五待畫眉 二解 一价至矣報壻逝矣姑驚

失箸盃墜地矣悲鳴哽咽吞珠淚矣有死之心無

生志矣 三解 姑曰未亡人誓及壻偕亡耶孃聞之

摧肝腸姊氏慰姑入姑房偵姑密密縫素裳兒死

恐增耶孃傷願詣渝城執壻喪 四解 耶孃宛轉語

道兒弱小女未可長途去只合高樓處姑從耶孃

言偷彈淚如雨人慕姑賢爭聘取耶孃惆悵待許
不許五解姑持并刀亂剪垂髫青絲剪若烏雲零
落耶孃泣然聽者駭焉媒說乃已姑心乃喜六解
斑斑啼血紅悲哀耶命終遺子零丁未成童兒孃
相依績紡供殮養豈無虎逐逐敢犯烈女風流光
四十不改容七解嗚呼怨別鶴悲寡鵠同是孤飛
同孤宿雁兒雖生心已死雁兒縱死志已足生何
貞烈死何榮死死生同八解一哭

樂府

營山縣志

卷之二十九 藝文 古詩 聖

聖駕巡幸五臺恭紀

樂府三十六章採入文穎館載
西巡盛典茲難備錄特節選之
于鼎培

望

雲謠

其二 山西撫臣以三晉士民情殷瞻就臚誠入
請蓋 天日之愛葵藿之忱有發於情不能已
者謹 序

太歲在乙丑瀋陽

鑾輅巡亦越戊辰歲民風

觀淀津匪曰觀民風

祖宗寶祇循義

莪長白山柴望升

明禮洋洋瀛海波奠璧

衷誠存

皇仁燭八極豈獨遺我民我民

心傾葵我民志獻芹願 皇炳離照願 皇

覆慈雲量吏出騶呼父老拜路塵願見 持世

佛敢告守土臣輿情量吏達封奏 天閭陳臚

民就 日歡繪民望 雲勲籲請乞 俯

俞兆眾情庶伸

民子來 其五 諸寺各工 皇上皆預發帑金

命量吏物給價工給值晉民感
上德意父詔兄勉役不踰時甫匝歲而各
工以次告成雅歌靈臺方斯茂矣謹序

禮名 山名 山未禮金先 頒頒金給傭值頒金給傭

餐富無科擾貧者得傭藉免身饑寒 恩我如

營山縣志 卷之二十九 藝文 古詩 三

此我力不殫我心何安以塗以茨以糝以丹青鴛

白鹿莊巖七寶指一彈妙蓮敷廣座螺髻垂花鬘

入功德水流潺潺金璧照耀低映泉石高峯巒龍

池鷺嶺相迴環琉璃界湧層雲端一拘廬舍拓地

寬是等是尺仍舊觀磬鼓寂不煩冬宮 帝曰

勿亟成以不日耕鑿依然忘 帝之力

上

陵儀 其八 三月二十一日 車駕蒞梁格莊恭謁 孝

泰陵 泰東陵勤歲事於方春展 翠葆金支工節采齊
思于不匱黃燹玉豆 愛著慈存以昭答
祝奏嘉至洞屬幽喻

皇祖在天陟降
左右之眷焉謹序

秦上谷郡燕黃金臺龍山東峙濡水西來高嶺屏

紫清溪轉雷 橋山蔚起 饗殿崔巍

麟趾夾侍鶴班竦陪桓桓松柏肅肅尊壘

明棲仰止 原廟裴回几筵 伸慕

劍鳥餘哀 兩陵祇謁式展 前模

神遊瑤水域連 鼎湖 安輿

昔莅 龍袞躬扶 丹丘今奠 玉

趾晨趨金燈隧闕石馬庭跌 含節慈重

營山縣志

卷之二十九 藝文 古詩 聖

視區敬孚憶昔堯母兆瑩慶都越四千載炳然

同符

廣利開 其九 廣利渠在唐縣乾隆十年 高宗允督臣高斌之請引唐河水疏濬之

因 錫是名導源靈邱下達諸淀潤漑千里民至今利賴焉 皇上親政以來深維直省隄工歲久不無傾圮於辛酉歲大發帑金各隄工以次修築為利綦廣有如此渠謹序

廣利渠嘉名 錫懷蓋臣景 鴻烈唐

河之水流湯湯璇源導自靈邱長崇祠靈濟建渠

畔鄭白利較秦川強我渠昔未開沃土田多萊我

渠今以闢高原菽黍稷惟 皇豐芑懷

禹功十有三載方

巡東東西雙淀夾明鏡桃

花鏡浪春溶溶

功成趙北燕南地疏瀹還為

萬方計淮靖支祈河出圖皆如此渠歌廣利華海

水甘露津

慈航寶筏拯兆人

度龍泉

其十一 龍泉關在長城嶺度此即入五臺境矣北界燕西界晉昔人以分疆域方今四海一家赤土朱波咸奉正朔茲由近接險之設守以人和百二秦關適形前代涼德耳

謹序

巖關岐嶽窠嵐光耀

龍旂遙睇長城嶺蒼蒼橫

翠微丹崖宿夕靄碧磴開晨霏夙聞此山高春深

營山縣志

卷之二十九

藝文

古詩

留

雪猶飛

陽和以一布萬壑含明暉微暄叶風

信餘寒勒霜威頽霞擁

雲罕朗旭浮

金鞮層

巘積翠濃叢薄零露晞岫扃拓罨畫山泉躍明璣

分塍麥苗秀夾徑桃萼緋

宸衷燭幽隱韶景

回芳菲其西控雲代其北連

京畿界傳燕晉判

事晒割據非天下

今一家 黼辰式九圍陰

陽 調玉燭解阜

撫琴徽廣輪合尉侯

化理先宮闈

齋心密諦契

篤禱

前甯希

存誠禮淨域

敬為蒼生祈

射虎行

共十二

射虎川距臺麓不數里昔

聖福自臺懷旋

躡曾 親

挽繁弱射虎是川因

賜今名荷民害之剪

除紀 天威之震疊今

國家休養生息

又百餘年民居日繁猛獸屏跡緬維

烈益慶昇平矣謹序 前

文殊盥掌地神武泉冷然居民指點林薄處云是

神堯射虎川

六飛當日曾遊此除

害

躬親御弧矢一發斑斕踏馬前至今草

木腥川注於菟已殪此川甯川上民居戶不扃谷

飲巖棲安作息翠砮丹碣表

威靈

神孫嗣

武重游豫六度摩崖勒詩句芥喀

營山縣志

卷之二十九

藝文

古詩

聖

殲熊

帳殿隨縣溝殪虎花驄

馭

聖主臨川景慕增

兩朝武德

一心

承含沙迭掃山中蜮跋浪全消海上鯨承平奏

續春

聖烈來瞻百年後民患

全消瑞應彰騶虞在野麟游藪

右樂府六章恭紀我

皇上展謁

兩

陵戒塗三晉

帷宮夙設

蹕路經行之

覽也勝

吉雲現

其十四

自臺麓至白雲寺碧澗回互丹

感屢現大吉

祥雲

鑿輿所臨佛光擁護紉

縵之瑞

協軌重華焉謹序

啟蹕神武泉

攬轡千佛洞

帝來吉雲迎

帝旋吉雲送吉雲姿垂垂中現五色輝散為山下

澍歛復山中歸朝雲沛滂沱夕雲凝沆瀣升自蒼

藟林徧蔭須彌界于香界為法于 聖世為鄉

震且吉祥現復旦光華呈巍巍 引懷堂雕疏納

嵐翠蘭榜

署靜宜宜民復宜歲

陟臺懷

其十五 五臺山夙傳五頂而大螺菩薩二頂
在五頂之外單椒聳翠高髻浮青後枕層巖前
百廣術山中勝境蓋萃是焉 帝車位乎中
央蘭若西東 躬親致敬法王衛 聖靈
賜聿昭 已謹序

營山縣志

卷之二十九

藝文

古詩

四六

陟臺懷祇林一徑松杉開風鈴無聲月鏡朗羣仙拱埃

金根來靈鷲之峯黛螺頂碧磴丹崖湧諸嶺

五臺羅列如翠屏已到清涼最高境文殊紺髮今

猶存金色旋轉空中輪雜花園中十二院傑閣離

宮金碧眩銅殿北塔院東寶藏百萬青芙蓉玉華

池承功德水金剛窟寄仙靈蹤迎 鑾梵刹重

重啟法鼓聲喧紺雲裡法身圓對即如來作平等

觀無二理

陟臺懷

聖心明鏡朗明

鏡本非臺

讚梵唄 其十八 梵唄傳天竺國而烏斯藏譯之

蓋彼教以聲聞悟入離文字則懸解雖超

真詮莫寄矣 聖躬祇禮金仙緇沅持誦貝

梵語出天竺崇奉惟班禪寫以貝多葉梵誦聲清

圓譯以烏斯藏梵筴經流傳華嚴千偈瀉舌本翻

瀾然悟從聲聞入但作聲聞觀及其語言忘不留

文字禪 帝來功德林例 命僧讚喜鐘磬

何喧闐中具清淨理七條袒緇流合十拜還起十

種尊號誦五字真言持皈依鹿馴野感孚魚躍池

營山縣志

卷之二十九 藝文 古詩 七

青鳥繞三匝飛上菩提枝曼殊鑿真誠一一親授

記曇花散諸天忍草敷初地 心契三明詮不

落第二義

右樂府六章恭紀我 皇上初巡勝境 祝國慶基 覃民福緒之

崇禮 祇洹 德也 懋

布金蓮 其二十 金蓮花為臺山五名花之一又

名陸地蓮 夏月盛開璀璨繽紛布濩崖谷

競秀華頂分芳 液池釋延一廣清涼傳云積

雪夏凝而奇花萬品寒風冬冽而珍卉千名蓋

山靈効奇作諸佛供養也以託根之擇地得呈

瑞於 昌時屢荷 宸題寵增九錫矣謹

金色界開竺國東日菊月木標靈蹤羣仙來往空
明中萬朶擲下金芙蓉苞駢蕾簇開叢叢衙濕婆
律熏香濃給孤園啟紫府中巖翠一重金一重黃
純巧翦絳蠟封蜜脾未許探游蜂白毫紺髮卍字
胸丈六恍現端正容東皇寫影憑化工百千萬億
如來逢瞿曇黃面禮奉崇七條壞色衣颺風化爲
祥雲滿瑤峯悟徹色相由來空
和鸞陟巘聲
瓊瓏因緣小草
恩暉蒙錢刀賤賈穀貴農願
黃金與土價同

營山縣志

卷之二十九

藝文

古詩

哭

佛降祉

其二十三

深入善權廣化眾生文殊教

聖人以仁育物皆

體 皞焉故億兆之戴 人之奉佛卽以奉 受茲介福此不爽之理自然之符也謹序

天先 聖如其戴佛而 天勿違

警清蹕

升崇邱三靈和晏

虔爲元元求維時

龍天八部合掌敬禮圍繞

辰旂佛在摩竭提國

以天眼照見崑崙州有

大聖人樂民樂憂民

憂迺駮青猊從羅睺七寶天樂嘹唳雲間浮登紫

府啟金樓敷吉祥草坐撫銀箜篌白鶴十二翺翔

林陬金書銀紙銀書金紙分勅八部龍天儔願

震那國王祥源福緒如大瀛海延洪納祉

壽與崑崙侔以答

大聖人警清蹕

升崇

邱三靈和晏

虔為元元求

羣藩覲

其二十五

臺山密邇塞垣蒙古諸藩敬

關瞻禮佛境者歲時絡繹

象教來東

因侯服之抒忱馳

德威之廣被

今茲

六飛莅止佛日騰輝望塵

屬車備

環諸部長城高名藩蒙古瞻

天仰

聖羣

來朝僭圭胙土

國恩懋請纓受吏

皇圖

迺參四禪輯五瑞

帝懷柔佛慈惠羣藩愛如

營山縣志

卷之二十九

藝文

古詩

咒

父母戴如日月僉希鞞鞠膾抒忱上謁蹈舞而稱

曰今

大皇帝即是吉祥佛伏願

皇帝壽

億萬歲俾藩臣世世子孫長覲

龍光備侯衛

帝曰俞哉嘉汝遠來

命驂豹尾車橐鞬

負弩為前驅

第嘉頌

其三十

衢歌華祝獻自豫游蓋鳧藻微忱當

忠愛也今

蹕御親臨咸思作為歡謠藉手拜颺以申

天子搜巖採幹光岳之峻不遺

微塵鄙儒涵泳

鴻業而掄揚

聖涯誠度詹辭萬不足以

潤色

詩觀風庶幾備採於太史氏焉臣西蜀下上

成均濫竽瞻

巡幸之上儀際休明

之嘉會敢隨多士祇獻樂章謹序

沐 帝以庠序鼓鐘之澤瞻 帝以乾坤日

月之容幸遭際今奎聚珠聯之 昌運效賡颺

今管窺蠡測之愚衷三晉迎 變獻韶曲

九閭作賦開璿宮宮門兮旦開多士兮雲來參橫

兮霄漢露浥兮庭槐鳧翹兮青瑣鶴立兮 彤階

頌 皇仁兮攄藻思呈 乙覽兮遴羣才遴

羣才兮班馬侍榛蘭沙金兮名序以次秋賦是充

兮珍幣 賜於胥樂兮生 聖世

右樂府六章恭紀我 皇上綏遠察廉 嘉惠士林之 修文肄武 敷恩蔀屋

營山縣志

卷之二十九 藝文 古詩 五

典也 鉅

駐堯城

其三十二 堯城村在望都 高宗純皇

帝詩望都城東堯始城村民萬古傳斯名邑乘 以為在北平者誤也伏讀 聖製詩序知

丙辰 聖相傳質之唐虞若合符契繼自今 重熙累洽億萬斯年順 帝則而被

薰風民生其間 何其幸歟謹序

伊山聳霄漢伊水流雲根伊者去已遠村尚堯城

存堯祠建慶都堯城留此村村民事力穡風俗清

而敢 輦經伊水側 蹕駐伊山旁水如見

於堯山如見於牆斯村即華胥斯城即金湯擊壤

歌雍熙還樸追陶唐

高宗昔莅此曾述蘇

軾言惟堯咨岳載協

帝授政年紀元祚六

十

契聖歲四千光華開復旦

景運符

中天

神武拓丕基

溫恭繼休軌

授

受本一家唐虞讓厥美伊水紹淵源伊

山深

仰止以

聖印

聖心釋家文

殊是

來牟瑞

其三十四 歧翠翻千頃

清和序啟麥氣迎秋穎擢雙

芝蓋掩映繽紛占葭屋之盈甯增

宸襟之 懌誠羽林粒我烝民

營山縣志

卷之二十九

藝文

古詩

五十一

陳常時夏之義也謹序

雲霞如續烟如織芳疇徧種青青麥鋤間鴉嘴耕

不勞春風一吹三丈高陌頭風暖黃鸝語昨夜林

塘初過雨晴川漾漾浮春波

翠華經處

恩膏多曛曨曉日開

仙仗萬隴千畦翻翠浪披

拂 青旗一色中綠楊枝外山桃紅春祈到處迎

田祖耒板聲連太平鼓春桑夏禾秋木棉農家景

色陳圖編今年得閏麥收早餅餌香風吹滿道雲

中迴

馭農乃登歸

薦

寢廟馨香升

迴鑾曲

其三十六

期止

四旬程逾千里禮成

時邁

旋躡

御園蓋多福聿懷非侈

觀

游賞巖壑也一

巡狩而

敬

天

法

祖

勤政

愛民之義備

惟

皇歛福錫福即兆民之康

仁壽如山嵩高齊量矣謹序

聖

祚之延洪

聖

恢矣候啟青陽過月令明堂開左个

玉鑾迴

軫日初長閭闔鉤陳森

帝座瞻就民情慰晉

都如嵩萬歲效三呼

黜華崇儉官箴警

綏遠懷來

祖德符容與

五輅排雲出

樂奏咸英練時日

原廟衣冠展

孝思

叢巖弧矢欽

先澤射虎川邊初地

登

營山縣志

卷之二十九

藝文

占詩

五

吉雲相引最高層紫金像

禮文殊佛黃教禪

參衛藏僧靈禽珍木娛

幾暇蒼荀林香勝似麝

悟徹清涼境是仙佛緣淨結

天休迓左右

賢王絡繹來鷓鸞班整

紫庭開

上蘭小試銀

刀隊

朶殿親掄金馬才靈山回

輦蓮池駐

古跡

龍章題處處麥已先秋兆歲登槐初交

夏留春住

勤民不惜道途遙

錫福蒼牛

繼

四朝欲識

聖人崇奉意

皇輿

圖詠鷲峯高

石樂府六章恭紀我
皇上佛宇
德洋恩普歲稔時和之
旂鏢

名都
問俗
應也

瑞
七招

白玉屏

南郭子華慧穎魁倫聞識無方秕糠黃赤腐臭老
莊湛於經術焜以文章希管追樂鄙龔陋黃將沛
澤夷夏而銘勛旂常北里隱君與之相善如芝叟
蘭如膠和膝典墳邱索日與究詰剖疑銳思梳繼
以櫛七年學成聞諸齊王王以文馬安車迎二子
而官之比里隱君不可南郭子華曰先莘野而後

營山縣志

卷之二十九

藝文

古詩

五三

毫都老阿衡所以啟子也朝渭水而夕岐陽者子
牙所以造姬也吾與子規模羣賢凌轢百代際明
主之旁求繫我紱而子佩何不仰喬柯以托栖乃
樂淖泥以自穢乎北里隱君笑而弗答爰歌以祖
之曰涉彼重淵兮水清且漣蛟龍與宅兮往來其
便倏乘雲而騰飛兮將需甘霖於甫田嗟故人之
遠邁兮增吾意之纏緜餞竟而別耕於國之鄙年
七十而無衰容南郭子華至齊總百寮受相印振
頽剔弊與民更始行之五年庶政以和欣欣有喜

色焉規臺池之深廣羅姬姜之娉婷藉陶寫於絲
竹備珍錯之甘馨晝酣宵舞寸晷靡甯甲年未周
矍矍神鑠形北里聞而憐之乃衣披薜荔草冠葛履
踽踽獨行日計百里曉冷煥發充盈湊理懷刺以
投亦既見止南郭子華握手而勞之曰嘻我故人
也胡爲來哉不忘夙好當有以教僕也北里隱君
曰吾聞屏翳再厲而將哀蟾諸既圓而卽缺功成
斯退知幾則哲矧子攬機務之紛紜侈豪縱爲怡
悅神已昏而不爽骨已憊而將折亦願緩須臾以
賁實慰我心言滌其耳聽爾佳音

營山縣志

卷之二十九

藝文

古詩

五言

無死不自儕於蜉蟻乎南郭子華曰唯唯辱子遙
北里隱君曰西岳曰華戟列三峯蓮花玉女秀奪
芙蓉上平而廣澗複巖重葭果奇卉春熟冬茸禽
翔五色啗啗邕邕俯瞰九曲杯勺溶溶將爲子屋
架三椽堵環半畝翠篠排前蒼松翳後眩日霞飛
盪角雲走不知春秋爲何日第見日月之在牖境
無風鶴之驚門無追逋之扣此塵寰樂土恐子未
能造其巔一塵而受也抑惟彭蠡之濱衡陽之麓

雲夢瀟湘藍翠可掬莽莽荒荒蒼梧斑竹聽鼓瑟
於湘靈爲惆悵而往復風十月而不寒日三庚而
不燠於茲卜宅快子餘生穢盪垢滌心曠神清起
居自適魂夢無驚子能偕我而居之乎南郭子華
曰夙依巖廊山巔水涯非所以處僕也

北里隱君曰麝食柏葉而香蟬吸清露而潔咀嚼
山川之英華乃充膚而潤血然江蟠海鯨常御則
腥駝峯象白徒飾簋鉶若農功所植赤豆黃梁紅
蓮名稻穗老秔香秋風乍拂乃登於場風之慕之

營山縣志

卷之二十九

藝文

古詩

五五

杵臼是將重以揚簸後米前糠棄粃取鑿燥濕無
傷潤含微露白壓輕霜淡能沁脾甘不腐腸盤餐
所佐老圃是供苦茶甘薺春韭秋菘藿拳握紫薑
牙露紅藕刨沼底蕨鋤山中筍新簇玉瓜老懸銅
調羹和菹舜韭堯葱伊咄嗟而可辦閱四候而厨
充若夫酒以合歡一筍乍熟椹采於桑華擷於菊
醪醱蒲萄其香馥馥醞釀經年葛巾是漉色淡淡
而還嬌味醅醅而不毒可以調百派明雙目化白
髮而青絲非第如涼州之十斛已也子能同我而

享之乎南郭子華曰夙甘園腴茹藜含糗非所以飽僕也

比里隱君曰吾聞蜀國西鄙灌水出焉是名陸海沃壤塍連五畝之宅百畝之田候春雨而叱犢犁澤澤而破煙秧毯乍鋪桑枝漬翠有蠶一壩蠕蠕待飼攜小女於微行停懿筐而翦試鶯鳴鳩喚下上其音風聲習習日影沉沉欣萬物之有託遂快足於吾心幸禦寒之有備又何羨夫纓簪爾乃蟬鳴雁來耒板聲起三家兩家十里五里齊肩筐而

營山縣志

卷之二十九

藝文

古詩

五

腰鎌相奮迅而靡已雖一樹而一穫亦相顧而色喜吉貝盈疇雪團霜裏搖搖垂垂枝枝朶朶葛衫斜披草帽半鞞若往若還似偃似跛較盈縮於夕陽羣相戒以勿惰迨日短霜肅農已滌場其實粒粒貯以困倉載理杼軸五夜匪遑曰縑曰素萬縷流黃輸一疋以爲賦擬七襄之報章衣之食之而壽而康一室春暖熙熙洋洋子能共我而率之乎南郭子華曰心勞弼輔以力自給非所以安僕也北里隱君曰寰宇名勝之區劇難枚舉所稱福地

洞天者乃一百八所則有羅浮梅華匡廬瀑漲巫
峽雲開洞庭月上秀色清光不可名狀天台石橋
劉阮曾到候仙子於桃花如相迎而含笑西子湖
裏暖浪沄沄六橋蜿蜒長堤中分畫舫容與笙歌
常聞更尋秦人於桃源慨項劉於廣武觀陣圖於
夔門解明珠於洛浦洵足長嘯高吟無今無古矣
若夫曲江之濤賦寫枚叔秋氣方高驚心駭目其
遠也若雷霆訇訇而相催其近也若車馬馳驟而
難迴其逆流而颯還也若山之崩其隨勢而漩湫

營山縣志

卷之二十九

藝文

古詩

五七

也若雲之騰天地之大觀備矣然而其畧也將爲
子駕笨車鼓飛棹竹杖芒鞋永以爲好逐浪驚魚
登峯凌鳥恣吾意之徜徉樂敖遊而忘老子能從
我而往之乎南郭子華曰素耽逸閒風塵勞瘁非
所以便僕也

比里隱君曰鐘鼎之榮不如讓著之爲名也職官
之守不如簡牘之可久也柱下老史漆園逸臣荀
卿逃楚呂韋去秦楊墨申韓鄭馬何賈之倫藉非
輔經翼傳炳炳麟麟祕洩乾坤之蘊理衷鄒魯之

醅疇則摩挲景仰想見其爲人也哉乃下董生惟
買子雲宅遠紹宏搜以永朝夕高然博士之藜辯
奪侍中之席度名山以藏之待千秋而校覈於是
發孔壁之蝌蚪展瑤華之十車尋灰燼於秦火請
假館於石渠毫芒疑似之必剖得失異同之勿疏
元元本本雅雅魚魚泐中彪外爛如淵如則有通
天地人儒伎駢至校讐汲冢之編牋釋夷堅之志
心解石鼓之文手摩响嘯之字見擴嬾媿之書知
測讖緯之記誕于寶之搜神陋任昉之述異哈張

營山縣志

卷之二十九

藝文

古詩

五八

華之博物小蔚宗之紀事談天則星斗可捫括地
則邱壑皆識窮荒唐於泥犁鋪煩頤於鹽豉莫不
以詞抒情以口寫意如爵趨叢而蠅附驥也子能
侶我而究之乎南郭子華曰从厭佔畢著書立說
非所以靜僕也

北里隱君曰五兵之威用妙而通於神劍而已矣
製昉蚩尤式成桃氏綴以隋珠礪以越砥芒浸寒
星光流秋水蓋不必斫地倚天始駭然悚愕然哆
也爾迺取銅赤堇采金天盧巨靈裝炭海若鼓爐

干將右侍歐冶左趨溶溶膏沸燄燄霞鋪揚鎚而
鍛心細力粗長不踰尺重不溢銖相以薛卞試以
風胡龜紋陽暈縵理陰腴第觀其匹練出鑪氣散
氤氳爍兮爍兮若皎日之當午淡兮蕩兮如晴虹
之穿雲氣森森而偪人兮忽若遠而若近色恍惚
而莫定兮又似合而仍分鬼神畏其鋒蛟龍避其
鏗將一擲而鼇跛倏一揮而鴻落日欲睇而睫到
手欲捫而腕縛爰有紅綫隱孃妙手空空掣若飛
電舞若旋風取三尺於衣底雙丸躍其玲瓏倏飛

營山縣志

卷之二十九

藝文

古詩

五九

行而絕迹路不究夫西東晝挾脰於都市渺形影
之俱窮血露縷而不濡首忽失於匆匆予千金而
不顧仇爲報而不功豈鱗諸聶政之可與同也哉
子能因我而授之乎南郭子華曰是技也已近於
道然僕已老且憊恐學劍未成而骨已填溝壑亦
非所以快僕也

北里隱君曰天地之間與人同而不同者五俱號
曰仙仙別以神則人而神神而仙也衣不帛而暖
居不室而寬食不穀而飫行不輿而安浩浩乎憑

風雲之便而無所束也洋洋乎任天地之化而無所屬也悠悠乎隨春秋之代嬗而無所促也壽如彭聃其夢之覺也名如蕭曹其沫之唾也貴如金張其汗之拭也富如陶朱其垢之抹也禍福塵飛陰陽屣脫何有痿疲煩醒之嬰侵毫末乎南郭子華凝目直項神溢大宅頃而言曰是說也吾嘗聞之更何術而可致此比里隱君曰是有道焉非術所可託也若第論其術則采英五嶽覓藥十島翹春元秋交梨火棗黃芽萌而如新絳雪霏而入抱

營山縣志

卷之二十九

藝文

古詩

六

河車得姹女之色丹汞倩黃婆之保餐日華與霞精求瑞芝及瑤草此乃東方宏景抱璞淮南服食之道非丹邱金臺紫館瑤房所云不老也蓋至道之妙歸於自然吐納隨候呼吸應天動靜有養煩瑣悉蠲行之有序守之宜堅聊爲子揚摧大畧而無聲無臭初不寄夫言詮子如有志吾將與子把浮邱袂拍洪崖肩逍遙嘯傲於兜玄南郭子華蹶然而起頽然而拜曰回僕衰朽惟子是賴凡有可以授予者期盡言以爲快

瀟灑侯傳

盧仝詩叢宜封瀟灑侯
白玉屏

瀟灑侯貞幹其先嶰谷人也以節著善學鳳凰鳴
黃帝時伶倫薦爲大常博士笛簫笙管咸取裁焉
製律呂十二以協天地陰陽之氣帝迎日推策定
歲時節序覆瑄緹室中驗氣候分杪無爽帝嘉之
俾食邑孤竹舜五十載扈駕南巡舜崩蒼梧哭之
哀泣繼以血衣皆斑穆王乘八駿赴瑤池遇雪宿
其家作詩紀之春秋時齊桓公霸諸侯皆朝孤竹
以節抗桓公伐之聞而逃子孫散處天下六十一

營山縣志

卷之二十九

藝文

古詩

空

家在渭川淇園者爲有名幹外直內虛性柔節堅
初爲淇園長有爲山魑崇者爆而驅之後徙夜卽
封瀟灑侯五月十三日帝宴羣臣於員邱大醉失
儀爵奪居於野與蒼髯叟清客爲歲寒三友山巔
水涯自適其志老農老圃有招者往而忘返不樂
與貴人交貴人欲藉其蔭爭致焉館諸園寵禮優
渥盛暑移几榻同坐卧迎風長嘯嘯則腰爲之折
作婆娑舞貴人樂愈甚益親之晉稽康阮籍山濤
向秀劉伶阮咸王戎日強與遊秋月冬雪或顧影

生憐或聞聲相思幹當之落落然寡所合也能汗
簡作科斗文凡雲龍龜鳥典墳邱索及孔壁所藏
悉識不忘又善不律號管城子天文地輿朝儀與
星歷巫醫卜祝一切技藝無不曉其事而通其理
士有才握手訂交交久皆得掇巍科登顯宦南史
氏少爲刀筆吏曰與親炙遂聲震天下士以文著
史以直稱皆幹力也幹旣久廢不起益自縱嘗誡
其族與子孫曰吾自受氏以來歷數千年荷朝廷
雨露恩且厚身可破節終不可改安在窮谷深山
父風無改節者

營山縣志

卷之二十九

藝文

古詩

全

難亭亭立乎其族之居會稽者工於矢與金錫並
重居蘄黃者工於簞世所傳黃琉璃也子籀龍綳
初脫頭角森然林立競爽人咸愛之蘇東坡文與
論曰孤竹有二子讓國遠竄後武王伐紂叩馬而
諫節至高矣子孫蕃衍天下因材而用無可遺者
非所謂行有枝葉不以春榮不以秋悴故耶觀其
彈蕉一疏生氣凜凜衆卉羣芳得睹天日昔昌蒲之

拜良有以也士君子環堵蕭然得平安報自能免俗何可一日無此君哉第以渭川千畝與列侯埒不猶蔑視凌雲之氣乎

服闋赴都畱別錦江書院諸生

翰林編修

于德培

參差桃李未成行又向秋風促遠裝無學久慚居講席有官何敢戀江鄉三年石室游蹤慣萬里蓬山客路長便擬乘槎天上去只難分手是門牆都是岷峩毓秀身師生結契亦前因朱原非紫甯無別青勝於藍定有人愧我便便嘲腹笥怕他鬱

營山縣志

卷之二十九

藝文

古詩

六十三

鬱老頭巾一家沆瀣休相問卽論鄉情已自親

鴛鴦繡罷度金鍼花樣文章酌古今講習還兼朋友樂刻成期慰父兄心珠愁欲買空畱櫝桐不因焦或廢琴爲問浣花溪畔客伊誰許我是知音過眼雲烟總不迷憐才也自費提撕偶然執雉寬儀節或未登龍入品題文筆修成千仞鳳書窓聽到一聲雞拳拳懷抱休辜負要望人間有蔡齊

江漢精英聚一龕酒龍詩虎我猶諳豈無健將軍難敵亦有憨僧佛不參手信悻悻向社燕起眠心

性似春蠶要知福慧君須養莫向陳編緝上譚
豈真因我造英才幾度沉吟絳帳開頭腦冬烘還
自笑羽毛豐滿待人培荆綦應向平時剪杞梓誰
從去後栽珍重文翁留此席振興還望大儒來
擔囊曾向錦江遊不坐春風甫幾秋豈遽識途如
老馬依然飄泊似浮鷗拜逢硯友偏青眼講對經
生感白頭莫羨抗顏居北面十年前尙此勾留
並無絲管後堂聽別院清陰是鯉庭講舍分來還
教子文光聚處更添丁妻孥藉食詩書澤僮僕都

營山縣志

卷之二十九

藝文

古詩

六

沾翰墨馨最怕敲門人索字朝朝剝啄擾疎櫺
高據詞壇氣象尊旌旗捲影日過門名公入座衣
香接大府登堂笑語溫駿骨肯留寒士相豬肝也
受主人恩無端更累分廉俸饋贐尤徵古道存
計復無聊展絳紗窮愁心緒更紛華埋頭且飲三
升墨束手難安兩地家傷逝連拋生骨肉賦閒忍
棄好年華牀頭剩有空囊在滿貯參苓向客誇
傀儡登場局未完諸君矮屋我江干榜花決定誰
爲佛諫草修成待補官好迂氈車來輦路漫留衣

鉢壯騷壇匆匆小別休惆悵早把名經寄與看
唱到陽關意黯黯授經臺畔屢流連重來孰是琴
樽侶此去都消粥飯緣敢向高曾誇矩矱任從師
友問淵源却應一事人輸我五百諸生餞馬前
弔陳烈婦

羅在公

大家千金軀自待原不輕一朝存大義千古有令
名憶昔于公子奮志赴蓬瀛鳳凰偶相別奪錦以
爲榮卧病依京旅愴然返太清生離與死別滄桑
有變更悵望一洒淚悲哀已盡情吁嗟陳夫人意

氣獨崢嶸念彼良人極漂泊在燕京麥舟伊誰助
扶欄憑誰行興言及於斯焉能愛餘生磨笄學趙
女慷慨同程嬰殊無張皇態措語極分明兩袖如
掣電雙眸類殞槍血濺生身母氣排同胞兄左右
皆失色之子猶生平行年三十二綽約似駸駘焉
知浩然氣丈夫失其英豈無兒女戀鳳雛任長成
豈無環珮惜外物安可縈心堅如金石揮刀在一
誠視死無難色還爲流俗驚夫人工翰墨書慕顏
真卿非徒象其跡俠烈亦同聲 朝廷重節義吾

黨有公許哀哉陳烈婦當事誰爲旌

哭烈妹

阿妹阿妹不同行我一念之九迴腸少小庭訓富
青箱史稱忠孝謬荒唐里中親貴鳳求凰吾家伯
仲慎東牀于氏好子丈夫郎一生守口無雌黃世
家簪纓正未央夫壻龍馬珮鏘鏘甫到貧家居滄
桑十年格鬪等黃梁深山逃迹改明裝同挽鹿車
守糟糠吞聲野哭薜蘿牆生雛何由拜姑嫜羣盜
入麻頭如霜舉案饋食同孟光夫壻省覲入帝鄉

營山縣志

卷之二十九藝文

古詩六十六

四載酒食竟誰將斷機飯蠶葉滿筐苔階踏遍消
息茫有客貽書天一方蕭然慈濟返大荒燕市子
身藥誰嘗阿妹破鏡不破忘悲哀路人心亦傷從
容願配王中堂扁舟何日下瞿塘太息無侶問瀟
湘生平守約用何臧麥舟欲助氣低昂嚼舌頓足
似佯狂南北轅迷道阻長寸寸斷臂今不妨胡爲
藏刃入內房再拜兄兮呼高堂子在此兮女在傍
言未畢兮血濺裳縱棖見之難爲剛瑤池冰雪不
足揚妹心匪石豈圖芳如此不愧人間婦何我日

夜獨徬徨但憾生來不男子折欄安肯負 聖皇
少年勤學歌

不見松柏樹今年可作椽明年可作柱又不見
桃李花今日之蕊明日葩世上多少難爲事多從
功夫積漸至汝曹安見長不爲英賢但要而今琢
成器時良景美天復和及時勤學莫蹉跎少時不
學壯時悔壯時縱悔可奈何

勸農歌

勸爾農莫憚忙男力菑畚女課桑隴上黃雲機上

營山縣志

卷之二十九藝文

古詩 六七

雪暫時辛苦樂時長

勸爾農莫忘勤翻犁須熟糞須勻和風甘雨太平

世子播父菑休厭煩

勸爾農努力耕東郊氣暖土膏生一犁春雨田園
熟坐聽豐年擊壤聲

勸爾農努力耘種密移疎趁日昕稂莠不鋤禾不
植大家荷鍤氣如雲

勸爾農努力收萬寶告成慶有秋稻穗堆場穀滿
篝家家婦子樂西疇

詩餘

乞米 一剪梅

白萼聯

曾向東鄰乞米來有也要回無也要回如雲秋稼
遍山隈青也難催黃也難催景陽欲作首陽倩飽
也悠哉餓也悠哉小歌笑詠一剪梅愁也遣開悶
也遣開

贈侯星齋

西江月

丁巳

倏爾狼奔豕竄頻疑鶴淚風聲遙遙烽火晚煙橫
行李一肩山徑 悽惶途中夜雨依稀劫外餘生

營山縣志

卷二十八

藝文

詩

五

戚友遭逢話盡傾窻下燈花欲燼

其二

最喜同盟車笠無慚知己知心世人締結貴黃金
管鮑交情誰信 他日雲山悵望而今共數晨昏
幾年契合篤苔岑白髮無渝至性

望江南 壬戌

英賢衆錦繡早羅胷吐鳳才宜輕附鳳雕龍人自
會登龍雲路且從容

華國彥典籍再鑽研夜雨青燈勤砥礪玉堂金馬

樂踰躑人乃似神仙

偶成 蒲庭芳

記得春時城西折柳蘭溪正
轉黃鶯瞿塘水綠遙接楚江清
漫說輪蹄閱歷投鞭處快抵瑤京
排文陣風雲會合茅彙幸連征
誰爭剛到這湖山勝地同結詩盟
只蕭條客舍旅思縈縈度曲聊吹短
笛抵多少海上琴聲都移却朋從
百感問有甚關情

九日登龍山

蒲江紅

次顧雪帆韻

營山縣志

卷二十八

藝文

詩

六

何事悲秋喜令節恰臨重九遊興暢葫蘆自挈正
多清酒海上仙人安在也飛觴蒲飲筵前友更遭
逢瑤島是龍山頻翹首螯可擘香盈口花可摘
香盈手遙看倚曲澗數株衰柳劍石迴思芝嶺峭
四載登臨誰肯後最難忘亭畔舊疎枝今消瘦
青田署後試劍石余前此代
篆遇九日往登凡四次
聞友人誦黃鶯兒詞三句云豁喇一聲鳴掉下來
五萬金就其意戲成叨叨令 戊寅

只見那光閃閃雲霄上天門判大地下霎時間黃

金蒲一層層堆到青山半我是一個窮鬼頭早喜
得心花綻險些兒咲歪了口也麼哥險些兒咲
了腸也麼哥煞強似下揚州腰十萬

惜春解三醒

憶從前春風駘蕩可爲甚紫急紅忙竹籬邊才看
那櫻桃開放苔階外又只見芍藥齊芳禁不得山
花厯亂鋪幽徑誰教那海燕呢喃語畫樑添惆悵
怎能勾蘭亭曲水早暮飛觴

草堂卽事迴文

營山縣志

卷二十八

藝文

詩七

題詩有暇閒窗靜舞綵承歡盡日春西園鳴鳩棲
樹舊北堂吹笛按歌新萋萋草色苔連砌灼灼花
香酒入脣藜藿飽餐常足樂溪山望處勝遊頻

春閨藥名串合

不防風過響金鈴繡閣幽香附小青自惜雙連翹
處瘦誰知子夜夢多醒月前忽憶吹仙管燈下還
甘草佛經六六曲闌閑倚徧深紅花放滿江汀
瑞安鄉民有積欠錢糧不知催科爲何事者官吏
往催則避之巖谷戲作禽言志之

得過且過不識催科於山之阿聊避譴訶弟弟哥
哥妻負子馱呼猪籠鵝荷笠荷蓑高山嵯峨路繞
青螺竹岫松坡安樂有窩如蟲處莎如魚逝波庭
中雀羅柳外鶯校官去則那我舞傴僂補屋樹多
不須牽蘿差役摩挲無如我何得過且過

不如歸去早輸國賦官長曉諭誠意流露舟車遠
赴荒村淹駐豈無他務維子之故挈家避往空巢
誰護催科難誤終當差捕負米抱布乘時湊數風
朝雨暮無憂無懼煮栗烹芋亦有樂趣年時豐裕
豈真無措衡廬可慕毋思脫兔不如歸去

又勉士勸農各一首

高人有遠業言行知後先源尋秦漢外魏晉何數
焉絕詣尙聞道其樂自欣然
設酒語田家所業尚無忽日用辭鮮美有入乃有
出男女無曠日自然衣食足

秋日紀興上補遺藝文詩

陳鍾溪夫子七言拼律一百韻

張裴然

仙才挺出豫章姿 昭代文章付總持
德聚太邱星彩煥 寶藏豐邑劍光披
多才早白

先朝育特達 頻邀 聖主知
盈尺玉珍傳 彼美一條冰
鑒仰吾師英華譽 朗笑蓉鏡博瞻名
空岫嶺碑花 探杏林歸馬疾
杖燃藜閣校書 遲卿嬈福地開青
眼堂構賢昆數白眉 解識風丁誇綺歲
高標鼎甲

營山縣志

卷之二十八 百韻詩補遺藝文八

重 清時南宮領袖無雙譜 黃絹聰明絕妙詞
六 詔掄英珊網濶 三都作賦錦囊垂
驪黃徧採黔中 駿杞梓詳搜劍外
椅金馬幾年留貴客 碧雞萬里訪
神祠 疊看宮輔頭銜晉 屢荷 廷評
手筆奇 來徃奎衡司道脉 起居 楓
陛備 宸詔桓榮講 席河汾授吉甫
歌裁鍾阜移 弗棄菲長成 幹質能
馴泛駕轉良騏 久欽代北仁風普
重羨江南化雨 施荆璞由來無不獻
海珠何處有相遺 栽培力盡 申申
引藻翰心抽 乙乙思好向 洪鈞陶柱石
還將

大藥貯稜著千秋事麗山公啓八韻吟工水部詩
自昔許身同稷契於今考績邁臯伊衡虞澤溥神
州利典試功崇 帝室規泰運層霄扶象闕升華
九達漸鴻遠轉膺園府權輕重持調農丞判度支
露洒柯亭宣教渥風清蘭省拜

恩滋共展遙知經綸志復旦宏延糺縵曦臣節胥知清
似水 王言佇企贊如絲應須袞補中台職會見
羹調左相爲視草黃扉朝畫鳳勤編青史夜懸龜
淵源學識稽諸古燮理陰陽兆在茲鶴禁丰標羣

營山縣志

卷之六 藝文 百韻詩 補遺 又 亥

共式鷄林著作遠交推忠銘阿鼎酌

君厚笑着萊衣奉母慈桂萼菲香郎最雅荆花制錦叔
非癡難兄善政鵠班埒淑配徽音燕寢宜樂叙天
倫多孝友光增 國體際雍熙唐虞世景中天接

王謝家聲此日追華胄貂蟬紛掩映公門桃李樹
歲蕤傾忱報 主心如結問字逢人喜不疲黼黻
常依青瑣院琴書閒擁絳紗帷肫殷愛士投餐館
款洽娛賓錯履綦西掖梧桐芳晝合北堂萱草曼
春綏李膺舊長登龍價曹植新添繡虎辭若箇按

登廬阜摘瑤芝漢臯珮鮮靈妃粲禹穴藏探秘籙
怡牛斗泛槎尋博望江湖載酒仿鴟夷到來邱壑
全神爽別去星霜滿面鰲莊子逍遙旋北陸

舜皇巡幸莅面維欣承紫府仙山名迅出文闈禮部馳
峯頂迎 鑿呈玉冊臺懷奏賦朗旋儀何期下士
蕪詞獻仰萃諸天蹕路禧上選榮叨依淨域中書
寵錫近 丹墀脩員蔽省歸來侍染翰槐廳出入禪夙
夜趨班勤勉黽冰淵退食謹委蛇涓塵莫補

重華盛簪組聊安一命卑謾許崑崙搏鷲羽可教瀛渤

管山縣志

卷之二十六 藝文 百韻詩 補遺

雙九

振鰲鱗官城草樹晴拈詠旅館鹽齏日辨炊夏課
頻煩驅簡蠹秋園幾直件 均鱗天涯屺岵雙庭
渺夢裏鄉關五載離遠山巖親猶舌耨貧居老母
尚饗尸佾僇繞膝嬌娃獨蘋藻承歡少婦羸竭力
無由躬負米弄璋那得慰含飴平安報忝

君恩渥溫清情傷子職虧檄捧高堂思就養糒分微祿
藉充飢人間畫錦榮生慕天上霓裳曲待吹長喜
雪鴻門下立只愁霧豹管中窺潔憐空谷猗蘭操
綺羨層城若木枝敢望

雲歡庇厦幾回對月想臨池通禪細與傳衣鉢入
殼皆成脫穎錐立德功言堪不朽教風雅頌本無
私十年前秉金針度大嶽高存玉檢基數被春風
羞蕊榜徒懷曉日向丹葵神山祇合仙朋任弱水
何當寶笈隨夫子令聞輝斗極鯁生夙負黍峨帽
益州氏族清何紹累華書香薄宦貽剩有桑麻安
井牧了無兄弟奏塤箎生憐穎慧鍾先祖長繼宗
祧悵獨兒董子下帷燕照讀梁鸞授室債春資髻
齡嗜覽相如傳壯志誰將白也羈雲覆梧崗覘鳳

營山縣志

卷之五 百韻 討補遺 藝文 前

吐月凌蓬鳧憶鯨騎軍初采宮芹滑博物從觀
廟器欵方擬切磋恢世用不虞喪亂受兵欺白蓮
擾後家徒壁黃卷拋殘紙滿籬備歷艱辛全性命
深勞 睿慮撫瘡痍好氛盡洗銀河甲儒輩猶拖
錦里綏秋擷簪垣違蜀道春攀杏苑遡燕陲聯鑣
得意同人樂叩缺閒吟季子悲豈竟暴鯁難化鯉
翻回斷尾憚爲犧自因元草楊雄陋非是侯封李
廣竒戰北計空搜六出圍南翮遠奮二危飛狐朔
攬黃沙塞跨鶴東遊此解湄已陟崧高餐玉乳更

宸衷隆眷倚時須

佛手賜箴規瞻依靡切珠躔映結習難忘繡幌摛光
範上書誠婉曲平津早報意迤透修鱗欲展長風
護緘石知非哲匠劇枚卜當年推碩輔設科今日
待宣尼矢從附驥青雲上應免忘羊碧路岐宗派
白沙前代衍步趨黃閣後塵期曉山翠滴西清署
秋水澄開

太液陂擬奏韶韻調玉燭同升元凱佐

軒羲

營山縣志

卷之九 藝文韻詩補遺

呂新吾續小兒語

公名坤字叔簡近溪先生子嘉靖進士官刑部侍郎

心要慈悲事要方便殘忍刻薄惹人恨怨

都見面前誰知腦後笑着不覺說着不受

都要便宜我得人不虧人是禍虧已是福

好衣肥馬喜氣揚揚醉生夢死誰家兒郎

正人君子邪人不喜你又惡他他肯饒你

人而不仁疾之

已甚亂也

心不顧身口不顧腹人生實難何苦縱欲

要甜先苦要逸先勞須屈得下纔跳得高

惟忍乃克有濟

富山縣志

卷二十八

藝文語九

人生在世守身實難一味小心方得百年

以上四言

苦甜下咽不覺是非出口難收可憐八尺身命死

生一任舌頭

病從口入禍從口出

天公不要房住神道不少

衣穿與其將佛塑畫不如救些貧難 柳巷風流

地獄花奴脂粉刀山喪了身家行止落人眼下相

看 只管自家門戶休說別個女妻第一傷天害

理好講閨門是非 快意從來沒好拂心不是命

窮安樂人人破敗憂勤箇箇亨通 東家不信陰

陽西家專敬風水禍福彼此一般費了錢財不悔

德行立身之本才識處世所先孟浪癡呆自是
空生人世百年 謙卑何曾致禍忍默沒個招災
厚積深藏遠器輕發小逞凡才 火正灼時都來
火一滅時都去炎涼自是通情我不關心去住
學者三般要緊一要降伏私欲二要調馴氣質三
要跳脫習俗 儉用亦能穀用要足何時是足可
憐惹禍傷身都是經營長物長去聲莫防外面刀槍
只怕隨身兵刃七尺蓋世男兒自殺只消三寸愛
者當自得之以上六言

營山縣志

卷二十八

藝文古語 十

事只五分無悔味只五分偏美 若要無煩惱惟
有知足好 清心寡欲不服四物省事休嘆不服
四君 無忽久安無憚初難 人欺非辱人怕非
福以上雜言

曹大家女識

大家姓班名昭後漢扶風班彪女平陽曹世叔妻

女有四行婦德婦言婦容婦功德不必才明絕異
也言不必辯口利辭也容不必顏色美麗也功不
必技巧過人也幽閑貞靜守節整齊行已有恥動
靜有法是謂婦德擇辭而說不道惡語時然後言

不厭於人是謂婦言盥浣音管換皆洗也塵穢服飾鮮潔
沐浴以時身不垢辱是謂婦容專心紡績不好戲
笑潔齊酒食以供賓客是謂婦功此四者女人之
大節不可無者也爲之不難唯在存心耳摘錄婦行

笑今道場文

白萼聯

咄咄乎丹青無垠獅象動人紫袍玉帶冥官糾紛
縲綬慘悴風悲日曛鐘敲午夜鉢擊清晨浮屠上
下合掌成羣長老告余曰此覺皇壇也常誦金經
長歌當哭木魚時聞傷心哉是與非與將近理與
吾聞夫唐虞德裕三代恩布萬國協和秋霜春露
不識不知道岸以渡送死養生偕由正路生順死
安無冤可訴秦漢而還俗變風移菴觀寺院無世
無之古聖嘉謨鮮以爲師愚者受惑智者好奇異

營山縣志

卷二十八

藝文 文 十二

端轉勝於仁義常道迂濶而莫爲嗚乎噫嘻吾想
夫親沒冥目衣棺旣便子孫盡哀兢兢戰戰服則
用衰冠則以練乃延浮屠路貴紙錢五方胥開恐
或牆面畫旛引魂心神俱眩至若象張諸佛供設
四隅馬面長脛牛頭短鬚土地傴僂城隍踟躕張
設狐威拘茲狗屠掌簿判官執火鬼卒橋名奈何
士女淹沒囚填枉死之城人滿血河之窟火山油
鍋粉身碎骨可勝言哉鼓響兮壇起金鳴兮歌絕
白紙焚兮寶烟折蒲堂闕兮笙笛徹謬矣哉符貼

門楣狂矣哉米撒沙礫禪杖敲兮山寂寂地獄破
兮風淅淅海螺吹兮天沈沈焰口放兮雲暮暮路
燭插兮草短袈裟颺兮霜白離經畔道有如是耶
吾聞之美木孟子桐棺墨俗親比嚴君子譬僕奴
衣衾棺槨財殫力逋膚無土侵心其狡乎良辰吉
日卜葬高原佳城堅築泣血而還歲時祭祀跪拜
禮閑採蘋採藻行潦之間清明載祀鳩語關關柳
眉初綠杏臉正殷佳殽旨酒敬奉西山惟嗟牛羊
踐履是患蒼蒼蒸民誰非父母提攜捧負畏其不

營山縣志

卷二十八

藝文 文 十三

壽誨之兄弟如足如手娶之佳婦如賓如友生也
有恩死也奚咎何於其沒劬勞罔知誣以有罪刑
戮是疑言行本善尤悔加之妄從異教拜向天涯
化者實愁暗爲悽悲梵聲召開精魂何依習焉不
察大道以離嗚乎噫嘻是耶非耶人多如斯爲之
奈何守我天彝

今人沒後親與友爲文祭之本無善行也而強
爲贊焉吾知化者必赧然愧其子若孫延僧禱
之本無敗德也而強爲解焉吾知化者必勃然

怒夫善善從長猶可說也若爲人後者揚親之
惡且不可況誣親以惡乎且其事之荒唐亦不
一而足

營山縣志

卷二十八

藝文

十四